



Broj: **03/1-50-14-7-48/18**

Sarajevo, 25. 7. 2018.

**PREDMET: Sastanak članova Zajedničke komisije za odbranu i sigurnost BiH s generalmajorom Martinom Dorferom, komandantom EUFOR-a, Sarajevo, 10. april 2018. godine**

Članovi Zajedničke komisije za odbranu i sigurnost BiH su 10. aprila 2018. godine održali sastanak s generalmajorom Martinom Dorferom, novoimenovanim komandantom EUFOR-a u BiH. Sastanku su prisustvovali Sifet Podžić, predsjedavajući, Boško Šiljegović, parlamentarni vojni povjerenik BiH, kao i saradnici komandanta EUFOR-a.

Pomoć pripadnika OSBiH civilnom stanovništvu, proces uništavanja viškova zastarjele municije, te potreba izgradnje kapaciteta za transparentno trošenje budžetskih sredstava za potrebe sektora odbrane, kao i daljnja izgradnja potencijala za učešće pripadnika OSBiH u mirovnim misijama u inozemstvu samo su neke od tema koje su dominirale u razgovoru predsjedavajućeg Podžića i povjerenika Šiljegovića s novoimenovanim komandantom EUFOR-a u BiH. Tokom susreta razmijenjena su mišljenja i o aktivnostima koje na polju civilne kontrole OSBiH provode Zajednička komisija za odbranu i sigurnost BiH i Ured parlamentarnog vojnog povjerenika BiH, kao i o aktuelnom stanju u sektoru odbrane u našoj zemlji.

Poseban naglasak u razgovoru stavljen je na mogućnosti stvaranja boljih uslova za život i rad pripadnika OSBiH, te na potrebu izgradnje kapaciteta koji će pripadnike OSBiH učiniti kredibilnijim u izvršavanju zadataka.

Razgovarano je i o aktuelnim sigurnosnim izazovima u Bosni i Hercegovini.

**PREDSJEDAVALJUĆI KOMISIJE**  
**Sifet Podžić**

Dostavljeno:

- naslovu
- a/a